



TAEKWONDO KLUB "NUR" KAKANJ

ZENDEV

PREDMET: Zahtjev za sponzorstvo

Poštovani

Prijatelji sporta i ljudskih vrлина koje sport ugrađuje u svakog čovjeka, taekwondo je borilačka vještina i spada u porodicu olimpijskih sportova. Taekwondo klub „NUR“ Kakanj već godinama spada u sami vrh bosanskohercegovačkog taekwondoa što pokazuju rezultati kluba.

Pred nama je II međunarodni turnir **“KAKANJ OPEN 2023”** koji će se održati 25.02.2023.godine u Sportskoj Dvorani KSC Kakanj. Interesovanje za naš međunarodni taekwondo turnir iz godine u godinu raste o čemu svjedoči i porast broja prijavljenih takmičara kako iz cijele BiH tako i iz inostranstva. Na prvom međunarodnom turniru smo imali 517 takmičara iz BiH, Hrvatske, Crne gore i Slovenije dok na drugom međunarodnom turniru očekujemo još veći broj takmičara i klubova. Od samog početka organizovanja imamo snažnu podršku općine Kakanj, JU 'Kulturno sportski centar' Kakanj te Sportskog saveza općine Kakanj. Iznimno smo ponosni na činjenicu da je sportska javnost prepoznala naš dosadašnji rad.

Naša želja je da ovaj međunarodni turnir postane nezaobilazan dio sportske tradicije u našem gradu a i šire. Težimo prirodnom, organskom, porastu manifestacije kroz povećavanje broja takmičara i popularizacije taekwondoa kao sporta.

U prošlogodišnjem takmičenju učešće su uzeli najbolji takmičari i državni prvaci u kadetskim, juniorskim i seniorskim kategorijama kako u muškoj tako i u ženskoj konkurenciji. Pored vrhunskih taekwondoista u navedenim kategorijama fokusirani smo na mlade školskog i predškolskog uzrasta.

Postmodernom okruženje u kojem živimo stavlja današnjeg čovjeka a posebno mlade pred brojne krize i izazove. Mladi često nisu sposobni da slobodno upotrijebe svoje slobodno vrijeme, jer i korištenje slobodnog vremena određuje visokoprofesionalna industrija zabave kroz veoma sofisticirane kanale dostupne putem interneta, online servera i drugih multimedijalnih platformi. Njihovim ukusom i potrebama diktriraju drugi, i tako oni žele vidjeti čuti i baviti se sa onim što je za njih već unaprijed pripremljeno, a da se pri tome ne vodi računa o stvarnim potrebama djece i mladih, već se isključivo vodi računa o profitu.

Studija o stanju zdravlja stanovništva u Federaciji Bosne i Hercegovine iz 2012. godine je pokazala da je samo 24,6% fizički aktivno. Posebno porazan pokazatelj je da u omladinskoj populaciji 18-24 godine fizički aktivno svega 34,4 %. Uprkos poznatim koristima koje ljudi imaju od fizičke aktivnosti javlja se trend sve manjeg bavljenja fizičkim aktivnostima – vodi se sedentarni način života, rade sjedilački poslovi, vozi se automobilima a slobodno vrijeme se provodi pred televizijskim i kompjuterskim ekranima. Loše organizovano slobodno vrijeme djece i mladih dovodi do sve veće pojave nepoželjnih i društveno neprihvatljivih, delikventnih oblika ponašanja djece do upotrebe psihoaktivnih tvari i stimulanasa.

Međunarodni turnir „KAKANJ OPEN 2023“ ima za cilj promociju i omasovljenje takmičarskog taekwondoa, zdravog načina življenja i zdravlja kod mladih ljudi te pravilna primjena sporta (tačniije taekwondoa) u cilju lične zaštite.

Međunarodni turnir se održava u sportskoj dvorani KSC Kakanj čime će se postići maksimalna posjećenost. Želja nam je da nastavimo uspješnu saradnju u realizaciji ovog projekta kroz sponzorstvo odabirući jedan od ponuđenih paketa:

- **Generalni sponzor u vrijednosti od 5.000,00 KM**
- **Zlatni sponzor, u vrijednosti od 2.000,00 KM**
- **Sponzor u iznosu od 200,00-300,00 KM**

Generalni sponzor:

- Istaknuto mjesto za logo Vaše kompanije na **velikom baneru** kod zapisničkog stola
- **Spominjanje** Vaše kompanije tokom **cijelog turnira** od strane oficijelnog spikera.
- Vaš logo na **prednjoj strani majice** svakog učesnika našeg kluba kao i trenera.
- Vaš **reklamni prostor kod postolja** za dodjelu medalja i pehara
- Mogućnost postavljanja Vašeg promotivnog **info pulta** ispred sportske dvorane kao i unutar same dvorane
- Obraćanje Vašeg predstavnika na otvaranju turnira i defileu takmičara
- Promocijama **na svim turnirima i aktivnostima** kluba u zemlji i inostranstvu na kojima klub učestvuje **tokom 2023 godine.**
- Postavljanje Vašeg **promotivnog materijala** na svim **zapisničkim stolovima** (zastavice itd.)
- Promocija na **društvenim mrežama**
- Spominjanje u **medijima**

Zlatni sponzor:

- Istaknuto mjesto za logo Vaše kompanije na **velikom baneru** kod zapisničkog stola
- **Spominjanje** Vaše kompanije tokom **cijelog turnira** od strane oficijelnog spikera
- Istaknuto mjesto za logo Vaše kompanije na **leđima majice** svakog našeg takmičara
- Vaš **reklamni prostor kod postolja** za dodjelu medalja i pehara
- Promocija na **društvenim mrežama**
- Spominjanje u **medijima**

Sponzor:

- Istaknuto mjesto za logo Vaše kompanije na **velikom baneru** kod zapisničkog stola
- **Spominjanje** Vaše kompanije **tokom cijelog turnira** od strane oficijelnog spikera
- Vaš logo na **leđima majice** svakog našeg takmičara
- Promocija na **društvenim mrežama**

Nadam se da ćemo dobiti Vaš odgovor u najskorijoj budućnosti. Molimo Vas da nam, radi blagovremenog planiranja i organizacije, odgovorite **najkasnije do 10.02.2023**

Ukoliko ste zainteresovani za sponzorstvo molimo Vas da nas kontaktirate na email:

tkdnur-kakanj@hotmail.com ili mob.: **061/332-632** i **061/285-081**. Stojimo Vam na raspolaganju da odgovorimo na sva Vaša pitanja koja imate u vezi održavanje II međunarodnog taekwondo turnira „KAKANJ OPEN 2023“ i ponuđenih sponzorskih paketa.

Napomena, paketi se mogu modifikovati u zavisnosti od vaših mogućnosti i interesovanja.

S poštovanjem



Predsjednik kluba

Fejzić Halim